

文淵閣

影印

四庫全書

影印

文淵閣四庫全書

第四六四冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

安南志略	吳越備史補遺	南唐書音釋	陸氏南唐書	馬氏南唐書	蜀檣杌	五國故	錦里耆舊傳	三楚新錄	江南餘載	江表別錄	江南野史	江磯立談	蠻磯立談書
------	--------	-------	-------	-------	-----	-----	-------	------	------	------	------	------	-------

元 黎 崱撰……………五九一	宋 錢 儼撰……………四九七	元 戚 光撰……………三八三	宋 陸 游撰……………二四七	宋 馬 令撰……………二四七	宋 張唐英撰……………二〇三	宋 不著撰人……………一七五	宋 勾延慶撰……………一六三	宋 周羽翀撰……………一四九	宋 不著撰人……………一三一	宋 鄭文寶撰……………一六九	宋 陳彭年撰……………一六九	宋 龍 衰撰……………一六九	宋 不著撰人……………一六九	唐 樊 綽撰……………一
----------------	----------------	----------------	----------------	----------------	----------------	----------------	----------------	----------------	----------------	----------------	----------------	----------------	----------------	--------------

欽定四庫全書

史部
寶書
目錄
卷一至五

詳校官編修臣范來宗

侍讀臣孫球覆勘

總校官庶吉士臣張能照

校對官檢討臣盧應

謄錄監生臣趙立福

欽定四庫全書

史部九

寶書目錄

載記類

卷一

雲南界內途程第一

卷二

山川江源第二

卷三

六詔第三

欽定四庫全書

寶書
目錄

卷四

名類第四

卷五

六賧第五

卷六

雲南城鎮第六

卷七

雲南管內物產第七

卷八

蠻夷風俗第八

卷九

南蠻條教第九

卷十

南蠻疆界接連諸番夷國名第十

臣等謹案蠻書十卷唐安南從事樊綽撰新唐書藝文志著於錄宋史藝文志則有綽所

欽定四庫全書

蠻書
目錄

撰雲南志十卷而不稱蠻書永樂大典又題

作雲南史記名目錯異今攷司馬光通鑑攷

異程大昌禹貢圖蔡沈書集傳所引蠻書之

文並與是編相同則新唐書志為可信惟志

稱綽為嶺南西道節度使蔡襲從事而通鑑

載襲實官安南經畧使與綽所記較合是新

書亦失攷也綽成此書在懿宗咸通初書中

多自稱臣又稱錄六詔始末纂成十卷於安

南郡州江口附張守忠進獻蓋當時嘗以奏

御者交州境接南詔綽為纂條親見蠻事故

於六詔種族風俗山川道里及前後措置始

末撰次極詳實與志中最古之本宋祁作新

史南蠻傳司馬光通鑑載南詔事多採用之

程大昌等復引所述蘭滄江以證華陽黑水

之說蓋宋時甚重其書而自明以來流傳遂

絕雖以博雅如楊慎亦稱綽所撰為有錄無

欽定四庫全書

蠻書
目錄

書則其亡軼固已久矣今此本因錄入永樂

大典僅存而文字已多斷爛不可讀又世無

別本可校謹以諸書參攷旁證正其訛誤而

姑闕其不可通者各加案語疏於下方釐為

十卷仍依新唐書志題曰蠻書從其朔也乾

隆四十一年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

蠻書卷一

唐 樊綽 撰

雲南界內途程第一

安寧城後漢元鼎二年伏波將軍馬援立銅柱定疆界

之所案馬援定交趾為後漢光武帝建武十九年事元鼎乃西漢武帝紀年後漢並無此號蓋樊綽失於

攻據之誤去交趾城池四十八日程漢時城壁尚存碑銘並

在

苴咩上音斜下符差切城從安南府城至蠻王見坐苴咩城水

欽定四庫全書

卷一

陸五十二日程只計日無里數從安南上水至峰州兩

日至登州兩日至忠誠州三日至多利州兩日至奇富

州兩日至甘棠州兩日至下步三日至黎武貢柵四日

至賈勇步五日已上二十五日程並是水路大中初悉

屬安南管係其刺史並委首領勾當大中八年經畧使

苛暴川洞離心疆內首領旋被蠻賊誘引數處陷在賊

中從賈勇步登陸至矣符管一日從矣符管至曲烏館

一日至思下館一日至沙隻館一日至南場館一日至

曲江館一日至通海城一日至江川縣一日至進寧館

一日至鄯開拓東城一日案拓東舊唐書及通鑑俱作拓東胡三省云言開拓東境

也新唐書作拓從拓東節度城至寧實館一日安寧館

本是漢寧郡城也從安寧城至龍和館一日至沙雌館

一日至曲館一日至沙卻館一日至求贈館一日至雲

南驛一日至波大驛一日至白巖驛一日至龍尾城一

日李謐伐蠻於龍尾城誤陷軍二十萬衆今為萬人塚

至陽案陽新唐書作羊苴咩城一日蠻王從太和城移在苴咩城十一

欽定四庫全書

卷一

字原本誤入正文今改正自西川成都府至雲南蠻王府州縣館驛

江嶺開塞並里數計二千七百二十里

從府城至雙流縣二江驛四十里至蜀州新津縣三江

驛四十里至延貢驛四十里至臨邛驛四十里至順城

驛五十里至雅州百丈驛四十里至名山縣順陽驛四

十里至巖道縣延化驛四十里從延化驛六十里至管

長貢關從奉義驛至雅州界榮經縣南道驛七十五里

至漢昌六十里案此句上屬雅州地名葛店至皮店三

十里至黎州潘倉驛五十里至黎武城六十里至白土驛三十五里過漢源縣十里至通望縣木笕驛四十里去大渡

至望星驛四十五里至清溪關五十里至大定城六十里至達士驛五十里黎嵩二州分界至新安城三十里至菁口

驛六十里至榮水驛八十里至初裏驛三十五里至臺

登城平樂驛四十里古縣今廢至蘇祁驛四十里古縣今廢至嵩州

三阜城四十里州城在三阜山上至沙也城八十里故嵩州太和年移在

臺至儉浪驛八十里至俄淮嶺七十里下此嶺入雲南

欽定四庫全書

界已上三十二驛計一千八百八十里案上文惟三十驛計一千四百

九十五里與此數不符並屬西川管差官人將軍專知驛務

雲南蠻界從嵩州俄淮嶺七十里至菁口驛三十里至

此驛六十里至會川鎮差蠻三人充鎮五十五里至目

集館七十里至會川有蠻克刺史稱會川都督從口集

驛至河子鎮七十里瀘江乘皮船渡瀘水從河子鎮至

末柵館五十里至伽毗館七十里至清渠舖八十里渡

繩橋雲南行記云渠桑驛至藏傍館七十四里至陽褒館六十里

過大嶺險峻極從陽褒至弄棟城七十里本是姚州舊屬西川天寶九載為姚州都督張乾案乾唐陀附蠻所書作皮陀

陷從弄棟城至外彌蕩八十里從外彌蕩至求贈館案此

句下有脫文至雲南城七十里至波大驛四十里至渠藍趙

館四十里至龍尾城三十里從龍尾城至陽苴咩城五

十里以上一十九驛計一千五十四里案十九驛共計一千六十九里

與此數亦不符

南蠻因姚州之後屬蠻管係從邕州路至蠻苴咩城

欽定四庫全書

從黔州路至蠻苴咩城兩地途程臣未諳委伏乞下

堂帖令分析緣南蠻姦猾攻劫在心田桑之餘便習

鬪敵若不四面征戰凶惡難懷所以錄其城鎮川原

塵黷宸扆或冀破其蟻聚之衆永清羌虜之夷臣披

瀝懇忱無任隕越之至案此條乃附載陳說之詞如後世著書之案語原本誤連

正文違令文義格碍今低一格以別之後仿此

從石門外出魯望崑州至雲南謂之北路黎州清溪關

出邛部過會通至雲南謂之南路從戎州南十日程至

石門上有隋初刊記處云開皇五年十月二十五日兼
法曹黃榮領始益二州石匠鑿石四孔各深一丈造偏
梁橋閣通越折州津州蓋史萬歲南征出於此也越折
州今西河河東一日程越折州詔長故地也津州未詳
其處天寶中鮮于仲通南溪下兵亦是此路後遂閉絕
僅五十年來貞元十年南詔立功歸化朝廷發使冊命
而邛部舊路方有兆吐蕃侵鈔隔關其年七月西川節
度韋臯乃遣巡官監察御史馬益閉石門路量行館石

欽定四庫全書

卷一

五

門東崖石壁直上萬仞下臨朱提江流又下入地中數
百尺惟聞水聲人不可到西崖亦是石壁傍崖亦有閣
路橫澗一步斜亘三十餘里半壁架空歎危虛險其安
梁石孔即隋朝所鑿也閣外至夔嶺七日程直經朱提
江下上躋攀偃身側足又有黃蠅飛蛭毒蛇短狐沙虱
之類石門外第三程至牛頭山山有諸葛古城館臨水
名馬安渡上源從阿等路部落遠蒙夔山又東折與朱
提江合第五程至生蠻阿部落第七程至蒙夔嶺嶺當

大漏天直上二十里積陰凝閉晝夜不分從此嶺頭南
下八九里青松白草川路漸平第九程至魯望即蠻漢
兩界舊曲靖之地也曲州靖州廢城及丘墓碑闕皆在
依山有阿竿路部落過魯望第七程至竹子嶺嶺東有
暴蠻部落嶺西有盧鹿蠻部落第六程至生蠻磨彌殿
部落此等部落皆東蠻烏蠻也男則髮髻女則散髮見
人無禮節拜跪三驛四驛乃與華通大部落則有鬼主
百家二百牛馬

案此句未詳

無布帛男女悉披牛羊皮第九

欽定四庫全書

卷一

六

程至制長館於是始有門閣廨宇迎候供養之禮皆漢
地凡從魯望行十二程方始到拓東
黎州南一百三十里有清溪峽乾元二年置關關外三
十里即嵩州界也行三百五十里至邛部川故邛部縣
之地也下南一百三十里至臺登西南八十里至普安
城創南西川節度使重兵大將鎮焉臺登直北去保塞
城八十里吐蕃謂之北谷天寶以前嵩州柳強鎮也自
入吐蕃更增修峻因城下有路向叢恭地谷東南一百

欽定四庫全書

蠻書卷二

唐 樊綽 撰

山川江源第二

金馬山在拓東城螺山南二十餘里高百餘丈與碧雞山東南西北相對土俗傳云昔有金馬往往出見山上亦有神祠從漢界入蠻路出此山之下螺山徧地悉是螺蛤故以名焉

碧雞山在昆池西岸上與拓東城隔水相對從東來者岡頭數十里已見此山山勢特秀池水清澹水中有碧雞山石山有洞庭樹年月久遠空有餘本

欽定四庫全書

蠻書卷二

玷蒼山案玷唐書作點南自石橋北抵登川長一百五十餘里名為玷蒼直南北亦不甚正東向洱河城郭邑居幕布山底西面陡絕下臨平川山頂高數千餘丈石稜青蒼不通人路冬中有時墮雪

囊葱山在西洱河東隅河流俯蓄山根土山無樹石高處不過數十丈而對賓居越折山下有路從渠飲趙出

三十里至羅山城天寶以後吐蕃新築非國家舊城貞元十年十月西川節度兵馬與雲南軍併力破保塞大定獻俘闕下十一年正月西川又拔羅山置兵固守邛南驛路由此遂通臺登城直西有西望川行一百五十里入曲羅瀘水從北來至曲羅紫迴三曲每中間皆有磨些部落以其負阻深險承上莫能攻討

案承上蠻官名見後文

欽定四庫全書

蠻書卷一

總謂之西蠻邛部東南三百五十里至勿鄧部落大鬼瀘水從曲羅南經劍山之西又南至會同川邊水左右主夢衝地方濶千里邛部一姓白蠻五姓烏蠻初止五姓在邛部臺登中間皆烏蠻也婦人以黑繒為衣其長曳地又東欽兩姓在北谷皆白蠻三姓皆屬夢衝內受恩賞於國外私於吐蕃貞元七年節度使韋臯使雋州刺史蘇隗殺夢衝因別立大鬼主勿鄧南七十里有兩姓部落

案此下當有闕文

蠻書卷一

登川

高黎共山在永昌西下臨怒江左右平川謂之穹賤湯浪加萌所居也草木不枯有瘴氣自永昌之越賤途經此山一驛在山之半一驛在山之巔朝濟怒江登山暮方到山頂冬中山上積雪苦寒秋夏又苦穹賤湯浪毒暑酷熱河賤賈客在尋傳羈離未還者為之謠曰冬時欲歸來高黎共上雪秋夏欲歸來無那穹賤熱春時欲歸來平中絡賂絕

絡賂財之名也

欽定四庫全書

聖書卷二

大雪山在永昌西北從騰充過寶山城又過金寶城以此大賤周迴百餘里悉皆野蠻無君長也地有瘴毒河賤人至彼中瘴者十有八九死閻羅鳳嘗使領軍將於大賤中築城管制野蠻不逾周歲死者過半遂罷棄不復往來其山土肥沃種瓜瓠長丈餘冬瓜亦然皆三尺圍又多薏苡無農桑收此充糧三面皆占大雪山其高處造天往往有吐蕃至賤貨易云此山有路去贊普牙帳不遠

又有水源出臺登山南流過雋州西南至會州諾賤與

東瀘古諾水也源出蕃中節度北謂之諾矣江南郎部落又東折流至尋傳部落與磨些江合源出吐蕃中節度西共龍川犛牛石下故謂之犛牛河環遶弄視川南流過鐵橋上下磨些部落即謂之磨些江至尋傳與東瀘水合東北過會同川總名瀘水蜀忠武侯諸葛亮伐南蠻五月渡瀘水處在弄棟城北今謂之南瀘兩岸葭大如臂脰川中氣候常熱雖至冬行過者皆袒衣流汗

欽定四庫全書

聖書卷二

又東北入戎州界為馬湖至關邊縣門與朱提江合流戎門南城入外江

昆池在拓東城西南百餘里四十五里

案此四字疑衍文

水源

從金馬山東北來拓東城北十數餘里官路有橋渡此水闊二丈餘清深迅急至碧雞山下為昆州因水為名也土蠻亦呼名滇池案今晉寧川中自有大池在東南當是滇池水不可呼池乃蠻不能別滇池水亦名東昆池西南遶山又西北池流為河過安寧城下亘水東西

有橋三十一闊長三百餘步徒行七日程與瀘水合

又量水川在滇池南兩日程漢舊黎州也川中有大池其水東洩流處出一石竇中流水甚廣石竇甚狹土竇云忽竇空百姓憂溺新豐川亦有大池甚廣

蘭滄江源出吐蕃中大雪山下莎川東南過聿齊城西謂之瀨水河又過順蠻部落南流過劍川大山之西蘭滄江南流入海龍尾城西第七驛有橋即永昌也兩崖高險水迅激橫巨大竹索為梁上布簣簣上實板仍通

欽定四庫全書

蠻書
卷二

四

以竹屋蓋橋其穿索石孔孔明所鑿也昔諸葛征永昌於此築城今江西山上有廢城遺跡及古碑猶存亦有神祠廟存焉

又麗水一名祿旱江

案旱字字書不載

源自邏些城三危山下

南流過麗水城西又南至蒼望又東南過道雙王道勿川西過彌諾道立柵又西與彌諾江合流過驛國南入於海水中有蛟龍鰐魚烏鰂魚又有水獸似牛游泳則波濤沸湧狀如海潮禹貢導黑水至於三危蓋此是也

或云源當是大月河恐非也

又彌諾江在麗水西源出西北小婆羅門國南流過泖叻宜川又東南至兜彌伽木柵分流遠柵居沙灘南北一百里東西六十里合流正東過彌臣國南入於海

欽定四庫全書

蠻書
卷二

五

蠻書卷二

欽定四庫全書

蠻書卷三

唐 樊綽 撰

六詔第三

六詔並烏蠻又稱八詔蓋白巖城時傍及劍川矣羅識二詔之後開元元年中蒙歸義攻石橋城閣羅鳳攻石和亦八詔之數也

時傍母蒙歸義之女妻閣羅鳳案新唐書南詔傳云時傍母歸義女其女復妻

閣羅鳳据其文則此妻字上應有其女復三字蓋原本脫誤初畔羅皮既敗時傍入

欽定四庫全書

蠻書卷三

居遣州招誘上浪得數千戶後為閣羅鳳所猜遂遷居

白崖城及劍川羅識與神川都督言語交通案原本川都督上脫

神字今據新唐書增入時傍與其謀俱求立為詔謀洩時傍被殺

害羅識北走神川神川都督送羅些二城案此條雖不標詔名據上

文則時傍及羅識亦在詔數也

蒙雋一詔最大初雋輔首卒案輔原本本作轉今從新唐書南詔傳改正無子

源羅子年弱及照源在南詔蒙歸義密有兼吞之意推

恩啗利源衆歸焉居數月倂照源及源羅子遂并其地

三越析一詔也亦謂之磨些詔部落在賓居舊越析州

也去囊惹山一日程有豪族張尋求案張原本作帳今從新唐書南詔傳

正白蠻也貞元中通詔主波衝之妻遂陰害波衝劍南

節度巡邊至姚州使召尋求答殺之遂移其諸部落以

地并於南詔波衝兄子于贈提攜家衆走降鐸鞘案鐸鞘乃

兵繩據後物產篇內有越析詔于贈天降鐸鞘云云疑此走字上當有出字降字上當有天字東北渡

瀘邑龍佐沙方一百二十里周迴石岸其地總謂之雙

舍于贈部落亦名楊墮居河之東北後蒙歸義隔瀘城

欽定四庫全書

蠻書卷三

臨逼于贈再戰皆敗長男閣羅鳳自請將兵乃擊破楊

墮于贈投瀘水死數日始獲其屍并得鐸鞘

四浪穹一詔也詔主豐時豐畔兄弟俱在浪穹後豐畔

襲進賊居之由是各為一詔豐時卒子羅鐸立羅鐸卒

子鐸邏望立為浪穹州刺史與南詔戰敗以部落退保

劍川故盛稱劍浪卒子望偏立望偏卒羅矣羅君立案新

唐書南詔傳望偏死子偏羅矣立偏羅矣貞元十年南

詔擊破劍川倂矣羅君徙永昌凡浪穹遼賊施浪總謂

之浪人故云三浪詔也

五遣賊一詔也主豐咩初襲遣賊御史李知古

案李原本作爲

今據新唐書改正

領詔出問罪即日伏辜其子咩羅皮後為遣

賊州刺史與蒙歸義同伐靜河蠻遂分據大釐城咩羅

皮乃歸義之甥也弱而無謀歸義襲其城奪之咩羅皮

復入遣賊即與浪穹施浪兩詔援兵伐歸義於時既剋

大釐築龍口城歸義聞三浪兵至率衆拒戰三浪大敗

追奔過遣賊敗卒多陷死於泥沙之中咩羅皮從此退

欽定四庫全書

蒙古書卷三

三

居野共川咩羅皮卒子皮羅遣立皮羅遣卒子遣羅顛

立遣羅顛卒子顛之託立

案顛之託新唐書作顛支託

南詔既破劍

川收野共俘顛之託徙永昌

六施浪一詔也詔主施望欠初閣羅鳳據石和城俘施

各皮而望欠援絕後與豐咩咩羅皮同伐蒙歸義又皆

敗潰退保矣直和城歸義稍從江口進兵脅其部落無

幾施望欠衆潰僅以家族之半西走永昌初聞歸義又

軍於蘭滄江東去必取永昌不能容望欠計無所出有

女名遺南以色稱却遣使求致遺南於歸義許之望欠

遂渡蘭滄江終於蒙舍

望欠弟望千當矣直和城初敗之時北走吐蕃吐蕃立

為詔歸於劍川為衆數萬望千生千傍傍生傍羅顛南

詔既破劍川盡獲施浪部落傍羅顛脫身走瀘北今三

浪悉平惟傍羅顛矣識

案矣識即前所稱劍川矣羅識也

子孫在蕃中

八蒙舍一詔也居蒙舍川在諸部落之南故稱南詔也

欽定四庫全書

蒙古書卷三

四

姓蒙貞元年中獻書於劍南節度使韋臯自言本永昌

沙壺之源也南詔八代祖舍龍生龍獨羅亦名細奴邏

當高宗時遣首領數詣京師朝參皆得名見賞錦袍錦

袖紫袍細奴邏生邏盛炎炎生盛邏皮盛邏皮生閣羅

鳳

案唐書盛邏皮下尚有皮邏閣一代此本蓋有脫文當天后時邏盛入朝其妻

方娘行次姚州生盛邏皮邏盛炎聞而喜曰吾且有子

承繼身到漢地死無憾矣既至謁見大蒙恩獎勅鴻臚

安置賜錦袍金帶繒絲數百疋歸本國開元初卒其子

盛邏皮立朝廷授持進臺登郡王知沙壺州刺史長男

閣羅鳳授持進兼揚瓜州刺史次男成節度蒙舍州刺

史次男崇江東刺史次男成進雙祝州刺史初炎閣未

有子案唐書炎閣為邏威養閣羅鳳為子閣羅鳳復歸

蒙咩故名承炎閣後亦不改天寶四載閣羅鳳長男鳳

伽異入朝宿衛授鴻臚少卿七載蒙歸義卒案唐書蒙

羅閣乃唐所賜名也閣羅鳳立朝廷冊襲雲南王矣伽異大卿兼

揚瓜州刺史閣羅鳳攻石橋城擒施谷皮討越析梟于

欽定四庫全書

卷三

五

贈西開尋傳南通驃國及張乾陀陷姚州解于仲通戰

江口遂與中原隔絕閣羅鳳嘗謂後嗣悅歸皇化但指

大和城碑及表疏舊本呈示漢使足以雪吾前過也鳳

伽異先死大曆四年閣羅鳳卒伽異長男異年尋繼立

生尋夢湊一名閣勸異年尋每歎地卑夷雜禮義不通

隔越中華杜絕聲教遂獻書檄寄西川節度使韋臯韋

臯答年尋書申以朝廷之命年尋不謀於下陰決大計

遂三路發使冀有一達一使出安南一使出西川一使

由黔中案此五字原本脫據唐書補入貞元十年三使悉至闕下朝廷

納其誠款許其歸化節度恭承詔旨專遣西川判官唐案

書作崔佐時親信數人越雲南與年尋盟於玷蒼山下

誓文四本內一本進獻一本異年尋置於玷蒼山下神

祠石函內一本納於祖父等廟一本置府庫中以示子

孫不令背逆不令侵掠

臣咸通四年正月奉本使尚書蔡襲意旨令書吏寫

蠻王異年尋誓文數本並書牒繫於車弩上飛入賊

欽定四庫全書

卷三

六

營臣切覽年尋誓文立盟極切今南蠻子孫違負前

誓伏料天道必誅容臣視於江源訪覓其誓文續俟

寫錄真本進上案異年尋誓文今附卷末而此云待訪覓續寫者蓋其初作此篇時尚未得誓文故所言如此其後訪覓附入而此本未及刊削遂前後互異其說耳

蠻書卷三

欽定四庫全書

蠻書卷四

唐 樊綽 撰

名類第四

西蠻白蠻也東蠻烏蠻也當天寶中東北自曲靖州西南至宣城邑落相望牛馬被野在石城昆州曲軌晉寧喻獻安寧至龍和城謂之西蠻在曲靖州彌鹿川升麻川南至步頭謂之東蠻風俗名蠻也初蠻歸王為南寧州都督理石城襲殺蓋聘蓋啓父子

案原本訛作孟刺孟啓今據新唐書

欽定四庫全書

蠻書卷四

改遂有升麻川歸王兄摩逆逆生崇道理曲軌川為兩蠻大鬼主崇道弟日進日用在安寧城及章仇兼瓊開步頭路方於安寧築城羣蠻騷動陷殺築城使者元宗遣使勅雲南王蒙歸義討之歸義師次波州而歸王及崇道兄弟蠻彥璋等千餘人詣軍門拜謝請奏雪前事歸義露章上聞往返二十五日詔書下一切釋罪無何崇道殺日進又陰害歸王歸王妻阿妮烏蠻女也走投父母稱兵相持諸蠻豪亂阿妮私遣使詣烏蒙舍川求

投歸義即日抗疏奏聞阿妮男守偶

案守偶新唐書作守隅

遂代

歸王為南寧州都督歸義仍以女妻之又以一女妻崇

道男輔朝崇道內懷忿惋外示和平猶與守偶母子日

相攻伐阿妮又訴於歸義興師問罪行次昆川信宿而

曲軌川潰散崇道南走黎川歸義盡俘其家族羽黨并

殺輔朝而取其女崇道俄亦被殺諸蠻由是離弱及歸

義卒子閣羅鳳立守偶并妻歸河賊

案河賊原本作阿體今從唐書改正

從此與皇化隔絕阿妮自為烏蠻部落王從京師朝參

欽定四庫全書

蠻書卷四

大蒙恩賞閣羅鳳遣昆川城使楊牟利以兵圍脇西蠻徙二十餘萬戶於永昌城烏蠻以言語不通多散林谷故得不徙是後自曲靖州石城升麻川昆川南至龍和以來蕩然兵荒矣日用子孫今立在永昌城界內烏蠻種類稍稍復振後徙居西蠻故地今與南詔為婚姻之家南蠻去安峰州林西原界二十二日程自大中八年安南都護擅罷林西原防冬戍卒洞主

欽定四庫全書

卷四

李由獨等七館首領被蠻誘引復為親情日往月來漸遭侵軼罪在都護失招討之職乖經畧之任臣於咸通三年春三月四日奉本使尚書蔡襲手示密委臣單騎及健步二十已下人深入賊帥朱道古營寨三月八日入賊重圍之中蠻賊將楊東忠大羌楊阿觸楊酋盛悉是烏蠻賊人同迎言辭狡詐臣却迴一白於都護王寬寬自是不明都無遠慮領得臣書牒全無指揮擅放軍迴苟求朝獎致令臣本使蔡襲枉傷矢石陷失城池徵之其由莫非王寬之過

案此條原

本文多訛脫今據通鑑攷異所引蠻書原文訂正攷異又云蔡襲將兵伐寬寬為已替之人安能擅放軍回今襲陷沒疑蠻書擅放軍回上少蔡京二字蓋蔡京時為嶺南西道節度使事攷攷異云然

獨錦蠻烏蠻苗裔也在秦藏南去安寧兩日程天寶中

為歸州刺史

案歸州原本作歸州今據新唐書改正

其族多姓李異年尋

母獨錦蠻之女也年尋之姑亦嫁獨錦蠻獨錦蠻之女

為年尋妻有子委負監貞元十年為大將軍在勃弄棟

川為城貞元十年以尚書祠部郎中兼御史中丞袁滋

內給事俱文珍劉幽巖入雲南持節冊南詔異年尋為雲南王為西南之藩屏年尋男閣勸已後繼為王

案貞元十

年以尚書云云至後繼為王五十八字與獨錦蠻事不相涉以文義推之疑為八詔篇蒙舍條下之文當在不

今侵掠句後錯簡於此

弄棟蠻則白蠻苗裔也本姚州弄棟縣部落其地舊為

褒州嘗有部落首領為刺史有誤毆殺司戶者為府城

論罪遂卒家眾

案新唐書南詔傳云有為刺史者誤殺其參軍率族北走據其文則此卒字當作車字家眾下當有此

走二字蓋原本脫誤後分散在磨些江側並劍共諸

欽定四庫全書

卷四

川悉有之餘部落不去當天寶中姚州刺史張乾陀守

城拒戰陷死殆盡貞元十年南詔異年尋破掠吐蕃城

邑收獲弄棟城遷於永昌之城

青蛉蠻亦白蠻苗裔也本青蛉縣部落天寶中嵩州初

陷有首領尹氏父兄子弟相率南奔河賤閣羅鳳厚待

之貞元年中南詔清平官尹輔首尹寬求

案唐書作尹仇寬皆

其人也衣服言語與蒙舍略同

蒙人本漢人也部落在鐵橋北不知遷徙年月初製漢